

Vladislaus IV.

Poloniarum Rex.

Vitnensis Academiae San. fam. & Aeternitas

Serenissimorum stirpis Jagellonicae Regum

in Vladislaus IV Orbi expressa.

PANEG. et VITAE

Polon. Fol.

№. 1531.

V

ÆTERNITAS
 SERENISSIMORVM
 STIRPIS JAGELLONICÆ
 REGVM
 IN
 VLADISLAO IV.
 Orbi expressa,

&

Eidem Serenissimo ac Inuictissimo
 POLONORVM AC SVECORVM
 REGI

cum VILNAM Lithuaniae Metropolim
cum Serenissima REGINA

CÆCILIA
 RENATA
 AVSTRIACA
 ingrederetur

*Ab Almâ ACADEMIA VILNENSI
 Societatis JESV, in debita subiectioni
 testificationem*

dedicata,


VILNÆ Typis Academicis Anno M. DC. XXXIX.



VNO AVVLISO NON DEFICIT ALTER
AVREVS, ET SIMILI FRONDESCIT VIRGA ME-
TALLO.

Virg. 6. Aeneid.

22269 III



V
R
A
A



Ann
IAC
VL
TI



POTENTISSIMO

ac

INVICTISSIMO

VLADISLAO IV.
REGI POLONIÆ

*Magno Duci Lithuaniae, Russiae, Prussiae,
Masouiae, Lituoniae, Samogitiae, Seneriae,
Czernihouiae &c. &c.*

Succorum, Gothorum, Vandalorumque
Hæreditario

R E G I.

Domino Clementissimo.



On vna mentem Maiestas occupat,
cùm Augustum vultum Tuum intue-
mur, REX POTENTISSIME:
Senatum Regum solus exhibes, quos
ex conspectu Tuo melius, quàm ex
Annalium reuolutione nouimus. Viuere in Te
IAGELLONIS Herculeum robur, inuictos
VLADISLAI Varnensis animos, ALBER-
TI clementiam, ALEXANDRI in Ciuium
animis

animis pertractandis peritiam, SIGISMUNDI Primi felicitatem, altum & imperijs regendis natum AVGVSTI iudicium, Paternum SIGISMUNDI Tertij tum publicæ Salutis studium, tum Literarum, Ingeniorum, Virtutumq; patrocinium in Te vno conseruari, Regno & Orbi gratulamur. Illos igitur non tam imitatione à Te expressos, quàm Tuarum virtutum coloribus ad omnis æui exemplum absolutos, humilis & deuota ACADEMIÆ Nostræ subiectio Tuo conspectui sistit. Permittet Tuæ benignitatis facilitas nos vel mutam nubium gratitudinem æmulari, quæ eodem, quod à Sole acceperunt, lumine plures Solis imagines depingunt, vt vnus splendorem repræsentent. Partiri enim cogitur animus, cùm ea, quæ nonnisi in pluribus reperiri posse putauit, vnus capacitas suâ immensitate conclusit. In plures de Sanguine Tuo Reges cultum imbecillitas nostra diuidit, quia vni Tuæ magnitudini parem venerationem afferre non potest. In Tuis Te Maioribus colit: scit enim ingentes fluuios in fontibus faciliùs coronari. IAGELLONES Patriæ Patres, quos in publica comoda Tua Virtus animat, Nomini Tuo consecrat: atque vtinam plures à Te, Tecum vnà florentes aspiciat, vt vtrunque deuota Populorum submissio reperiat in quibus Te adoret.

Sacra Regiæ Maiestati Vestræ

humillimè deuota

ACADEMIA VILNENSIS SOCIETATIS JESV.

VLADISLAUS IAGELLO

Sinum Polonæ libertati aperuit
in quem libentiùs concessit,
Quòd Prognatum illis esse acceperat
quibus nec Roma suo exemplo, vt seruirent, persuasit.
Alterum (cùm Patria degenerasset) orbem quæsierunt,
In quo de seruitute triumpharent;
Nusquam melius Romani, quàm vbi Liberi.
Felix
Lithuania, quæ Romæ Tyrannide exacta
Libertatis spiritum excepisti.
Animavit ille diu LITHVANOS, SAMOGITAS, RVTHENOS,
Romanus semper, Magnus, ac Liber.

At
In VLADISLAO JAGELLONE tantò ingentior est visus;
Vt suam illi Poloni Libertatem, Regnum, & Regni confortem
darent.

Reperit magnus Animus quod tantæ liberalitati refunderet.
Nam

Silesios hostilia meditantes consilio anteuertit,
Manu oppressit, Spiritum victis ademisset,
Nisi

Victoris clementia respirium in Polonâ
Libertate dedisset.

Pari in Teutones animo atque successu mouit,
duplici bello victos, armis, castris, vrbibus, spiritu exiit,
vt in tot hostium capitibus æternû Polonæ felicitatis
Capitolium erigeret.

Perennis quoq; Coniugij nexu Lithuaniam Poloniæ copulauit,
Optimus vtriusque PATRIÆ PATER,

Cui

CASIMIROS, ALBERTOS, VLADISLAOS,
ALEXANDROS, SIGISMUNDOS,
Sui Sanguinis, Virtutis, ac Triumphorum Hæredes, hucusque,
Absens, Præsentis sufficit.

Vt in Filijs ac Nèpotibus immortalis,
ab vtrâque Republicâ orbitatem arceat.

LITHVANIA tamen
quæ se orbi semel genuit,
Vt bis Parentem agnosceret,
Viuens adhuc perfecit.

Cùm

Diuinæ illi Fidei animam inspirauit.
Legis Christianæ in Comitij Vilnensibus Ciuibus Imperator,
in Campis & desertis Dictator factus.

Ad solidæ enim Maiestatis decus pertinere putauit,
Cœlo dignis imperare, & eosdem cum Deo ciues censere.

B

V L A.

VLADISLAI IAGELLONIS

De Crucigeris nobilis victoria,
quorum Magister, REGI, & Fratri eius ALEXANDRO WITOLDO per contemptum ante motas acies, duos gladios miserat.

Lubrici mucro specimen fauoris

In pios languet: magis impiorum

Cede nutritus calidas cruore

Expiat iras.

Teutonum, frustra, periture Princeps,

Ante quam Lechas videas cohortes

Ludis Heroem, sed iniquus almis

Augur in armis.

Non tuis audet gladijs in Hostem,

Non tuis armis tua tela VLADISLAVS

eludet, proprijs triumphis

Sufficit ipse.

Nam tuus mucro muliebris, auro

Palleat quamvis rutiletque gemmis.

Fulget: at ferrum, chalybemque vitæ

Frigidus ensis.

Dextra que talem moderatur enssem,

Hostium nomen timet, & fugaces

Inserit pennas pedibus, relicto

Non bene campo.

At IAGELLONIS gladium videbis,

Teutonum insertum iugulis, minacem

Faucibus duris, rigidumque vastis

Corporis umbris.

Dexteram cernes animo potenti

Supparem; namque arma nihil timenti

Proderunt, excors animus fugaces

Si regit artus.

VLADISLAVS IAGELLO

NIVS VARNENSIS.

Cum
Breue ei vitæ spatium Fata definissent.
Fortuna maturavit Imperium.
Nouenni Poloniam tradidit,
Sexennio post Hungariæ Malum aureum adiecit,
at ille animo JAGELLONICO Fortunam prægressus,
irritauit Dominam,

vt licentiùs in corpus maturescens ferro decerneret,
quæ pomo & auro cum Puerò luserat.

LECHICVS ALEXANDER

Macedoniam suis imparem armis testatus,
Sclauonias Prouincias ferro expurgauit,
incolarum prius resperfas sanguine.

Hostium cæsorum capita,
non in acie cadentium corporum,
sed signorum captorum numero,
Et Amurathis cum exercitu pro pace supplicis lachrymis,
censuit.

Vtinam porrò ille
lachrymis suis ardorem pugnandi in REGE extinxisset,
Varna

non tam suo nomine,
quàm nostrâ clade nobilis,
Cannas nobis non exhibuisset.
ad quam VLADISLAVS

paulò ante Victor, iam victus,
Periurij quo aspergebatur maculam
Sanguine proprio diluit.

Non tam Hostium virtute,
quàm fraude sublatas.

In hostico sanguinem fudit,
corpus proiecit,

Vt hostem in viscera Patriæ ruiturum,
sanguine mergeret;

Corpore
vt scopulo frangeret.

VLADISLAI TERTII

ad Varnam cæsi Generosus
animus.

*Sine sublimi manifestus ostro,
Aut fugam Sortis meditantis alto
Excidit curru genialis almi*

*Sanguinis Heres,
Tristibus nunquam sepelitur umbris
Degener. Sol est? Generosus ardet;
Ingruunt nubes? Generosus ardor
Nubila nescit.*

*Ferueat mori licet ira Pontis
Affluat fulue licet unda terræ,
Tam LADISLAVS placidis mouetur,
Quam vel iniquis.*

*Seu triumphali trabeâ decorus,
Seu triumphatus: similes meretur
Laudis Augustæ titulos, paremque
Victus honorem.*

*Vicerat? Fortem coluere regna:
Sclauones veram sobolem Gradiui:
Herculem victus Macedo, timebat
Thracia Martem.*

*Victus? at forti Patriam periclo
Texit: in vallum posuit cadauer,
Sanguinem in flumen. pretiosa multum
Littora Lechis?*

*Viuet & nullo morietur æuo
Fama florenti melior Cupresso;
Fama formoso potior metallo
Ibit in annos.*

CÆCI

CASIMIRVS

Felicioꝛibus auspicijs PARENTI
quàm FRATRI propinquior,
Felicioꝛ futurus,
Si eà semper felicitate in Crucigeros,
quàm in Valachos aciem direxisset.
Sed auersum semel vultum,
redintegrato prælio Victoria reddidit,
Cum tot REGI hostium capita adnumeravit,
Vt tardius vicisse gauderet.
Virtute partam victoriam non impare successu
clausit,

Nam

præter Pomeraniæ, Michlouïæ, & Culmæ accessionem,
æternâ pace sub eo Polonia effloruit:

P R V S S I A M

Toties armis Polonicis attritam, & exhaustam,
Oleæ ramis recreauit,

EZIGERO Tartarorum Tyranno
ita formidabilis erat,

Vt eum à suo nutu suspenderet.

Cæteros,

In quos ferrum non strinxit,
humanitate expugnauit.

Principibus Ciuili tumultu vexatis

Asylum in sua manu ostendit,

SACHMETEM Turcarum Imperatorem VILNÆ,

Et CAROLVM Daniæ Regem (à suis pulsos)

G E D A N I,

eà benignitate excepit,

vt vbique terrarum abiecti,

apud C A S I M I R V M solum

Reges se esse meminissent.

Dignus profectò,

Cui clementia thronum

in annos quinque & quadraginta

prorogasset,

quinque de Filijs REGES,

D I V V M vnum,

alterum ECCLESIAE Purpuratum

dedisset.

C V L A

CASIMIRVS IAGELO

Sachmetem Turcarum Imperato-
rem, & Carolum Daniæ Regem, supplices
profugos suscipit.

*Nobilis portus miseris, asylum
Regibus vulgi rabie petitis
Naufragis Ponti CASIMIRE nautis
Sydus amicum.*

*Thracicus Sachmes tibi supplicantem
Verticem acclinat, Dominasque lambit
Basis plantas, Lechicamque verrit
Syrmate Terram.*

*Daniæ Princeps Carolus, minacem
Plebis irate fugiens furorem,
Te suo Portum Pelago, suisque
Postulat undis.*

*Fluctuat? dextrâ miserum leuabis.
Mergitur? vitam dabis, & salutem.
O Pharus! Regum ô Cynosura CASI-
MIRE periclis.*

*Non triumphatis roties Gelonis
Gloriæ messis tibi tanta creuit,
Quanta seruatis tibi de Dynastis
Vernat arista.*

*Credo! Sesostris Dominus Canopi
Regibus vectus generosiore
Floruit Læuru! meritisque famæ
Pascitur annis!*

*Gloriam nutrit facilis petenti
Dextra: clementes animos perennat
Fama, quam celso vehit innocens Cle-
Mentia curru.*

**VLADISLAVS IAGEL
LONIVS HUNGARIÆ ET
BOHEMIÆ REX.**

Ea erat de VLADISLAO apud suos,
atque Exteros opinio,
Vt ad vindicandam Patruī mortem,
Parem Indolem, ac Nomen sortitus videretur.

A D

Sceptra itaque Vngariæ inuitatus,
Tantò promptiore animo accessit;
Quantò propior hostis erat,
Quem VLADISLAI Patruī Manibus immolare destinavit.
Optimum

Magnus animus augurium dabat,
Nec vinci posse magnitudinem dubitavit,
Quæ aliorum diffidijs, suā fraude, & latrocinijs
creuisset.

ALBERTVM Germanum POLONIARVM REGEM

ijsdem studijs incensum,
Ad egregiam belli & vindictæ societatem euocavit,
Vt vnum in Fratribus Hostis robur,
eandem Patruus pietatem sentiret;

Cui

Magnum vterque posituri erant apud barbaros monumentum;
nisi Valachi perfidia intercessisset.

Primi conatus irriti,
maiores inuieto animo stimulos addiderunt.

Nam, Et

secundis prælijs Turcam sæpe vexavit,
Et de reponendâ illi tum suâ priuatâ,
tum publicâ Christiani nominis iniuriâ,
cum SIGISMUNDO Fratre

POLONIARVM REGE,
& **MAXIMILIANO ROMANORVM IMPERATORE**
Viennæ deliberavit.

Obtulit

Vtriusque Bohemici ac Vngarici Regni vires,
Vt cognati sanguinis vestigia,
hostili cruore
aut elueret, aut mergeret.

Sed

cogitatione tantum ac proposito designare id magna

Mens potuit,

Nam supremum gloriæ fructum

alteri VLADISLAO

fata seruârunt.

C 2

VLA

VLADISLAVS IAGEL
LONIVS

in Hungariæ, & Bohemiæ throno
collocatur.

Aurei non sic species metalli,
Non Erythrei paribus Lapilli
Fulgurant flammis, variisque diues
India gemmis.

Purpure quantum sociata Virtus
Fulget, & latis spatijs in orbem
Porrigit lucem, rapit & remotas
Lumine gentes.

Hæc VLADISLAI prohibet latere
Abditum Regnis Patrijs decorem,
Pannonæ celsæ solio reponunt
Lumen amicum.

Inde vicinos iaculatus ignes
Regius vertex, paribus Bohemos
Euocat votis, geminare frontis
Lumina dignus.

Regios dignus geminare fasces;
Vna quo Regni minor est corona,
Dignus auro bis, bene qui receptum
Protegit aurum.

Patruî Manes generosus ultor
Ardet audaci recreare dextrâ,
Thraciæ seuum impavidus Tyrannum ad
Bella poposcit.

Fata sed magnis inimica cæptis,
Inuident L aurum, meritasque palmas:
Corriget sortem, Patruique fatum
Dextra Nepotis.

DIVVS CASIMIRVS

Quidni Regum Fastos exornet?

Quem & altior Maiestas Populis adorandum Coeli solio recepit,

Et magnus animus quantum Regibus emereret, ostendit;

Cum

Sub coronarium aurum, quod ei Hungaria detulit,

ire recusavit.

Confusum vidisses ambitionis ordinem,

dum peterent illi qui dabant,

Ille ad quem ambitus pertinebat, Regnum abnueret;

Imò daret, cum non acciperet oblatum.

Facile

sublimem animum qui sceptrum calcare potuit, Caelo admouit

Delicijs alij fouendis Purpuram induunt,

Regio ille cultu arma in caeli expugnationem tegebat.

Manus

Quas ambitioni subtraxit, pia in se crudelitate armavit,

Templum

quod caeli armamentarium esse nouerat,

non diebus duntaxat, sed noctibus pariter,

solo tenebrarum horrore circumseptus adibat,

Vt quandoq; vigilum manus praeforibus excubias agentem,

Ex solius patientiae miraculo agnosceret.

Nihil in vultu ad Maiestatis opinionem,

Nihil ad laetitiae amoenitatem defuit,

Animus per omnia Regius, & in caelestium meditatione

Publicae salutis memor emicabat.

Vt firmissimo Religionis nexu Ciuium animos colligaret,

Legem à Patre impetrauit,

quae contumaces dissidentis Sectae Spiritus

lentam temporis moram extingueret.

Dum Fana semel vetustate collapsa,

Ad errorum conspirationem consurgere prohiberet.

Efficax tanto malo, promptum,

& sine clementiae detrimento remedium,

Ita in alios benignitatem seueritate temperauit,

Vt totum in se asperae dimicationis impetum conferret.

Morbus & mors, (cum in Medicis spes non esset)

ad thalami necessitatem cogebant,

At ille morbum, & mortem elegit, ne Sibi & voluptati indulgeret;

Sed qui inter Patris trophaea mundum ingressus esset,

Coelum, Sui, Naturae, & Mortis Victor intraret.

Reperit & post mortem quod vineeret,

cum properantibus in obsequium elementis,

Nunc per inuios haecenus fluuij vortices exercitum duceret,

Nunc curuli nube inuectus victoriam ex alto Lithuanis demitteret.

Tantum interest in Victoriâ spiritum effudisse,

ut cum victor animus aeternitatem coeperit,

Finem victoriae nesciant.

D

CASI

D. CASIMIRVS

Ad Regnum Hungariæ inuitatus!

Te suum dicent CASIMIRE Regem
Nobiles Lechi, Litaniq; fortes,
Prussus ad cunas iacet, & Bohemus
Sceptra reponit.

Quantus in Patris salit inde pectus
Gaudij sensus? quibus auspicate
Vocibus Proli memorat futuros
Augur Honores?

Spes sed ingentes, cupidaque mentis
Vota non paruo spatio relinquis,
Syderum aeterno redimire frontem
Dignior auro.

Hungari frustra meritis minorem
Deferunt Magno Capiti coronam,
Magna te cæli petit aula Regem, &
Celsior orbis.

Inde, seu fractas Aquilo procellas
Suscitet rursus, vel iniqua Baltis
Sæuiat fluctu, reuehatque vastis
Bella carinis,

Pacis aut semper dubius Gelonus
Bella furtiuo mediteretur ausu,
Aut ruat totis metuendus in nos
Bosphorus armis;

D'IVE non vanas iaculare nubes,
Sentiant Lechis inimica Numen
Pectora iratum, meritas & equi
Fulminis iras.

IOANNES ALBERTVS.

Imperij Auiti, non Fortunæ Hæres;
Animo, & manu promptus,
infelicitate impeditus,
Præceptam cogitatione victoriarum metam non attigit
Bonitate ingenij sui,
Altetius fædifragas pollicitationes mensus,
explicatum exercitum implicatæ fidei concredidit;
è campis Patrio Marti propitijs,
In inuias extractus syluas,
Virentem palmis sub tot Regibus Poloniam
Infelicibus auspicijs adussit;
Semel edoctus
vt perfido aures subtraheret,
etiam animum fidelissimum commodauit;
Inermem & synceram dexteram,
cum armatâ & subdolâ composuit,
Bellum cogitanti Valacho, pacem dedit.
Dum
iniurias Patruï persequitur, Se propè amisit.
Didicit pernicioso sibi experimento,
Perfidiam veniâ non placari.
Quæ
non tam fructum Clementiæ cogitat,
Quàm
apertum scelus alio scelere tegere conatur,
Dum ei exitium parat
Quem conscius criminis sentit.
Feliciore omine
Altero in Turcas bello cœlum mouit,
Dum enim
in Regni fines vt prædones se effundunt,
Hybernâ tempestate euerfi
Quadraginta millibus pauciores in patriam remeant.
Regiæ hoc datum Pietati,
Vt cœlum in hostes armauissè crederetur.

D. IOANNES

IOANNES ALBERTVS

Irrumpentes Scythas coelitus ob
ortæ tempestatis auxilio
profligauit.

*Nubibus clausi properate fontes
Perfidi in pœnam capitis, ruinam
Ferte, feralis metuenda pestis*

Fundite tela.

*Regis ALBERTI pia vota Cœlo
Derrahunt imbres: Et emace luctu
Nubila impregnant, pluuijsq̃ sudum
Æthera condunt.*

*Ceteri vibrent gladios in hostem,
Cassides pulsent galeis, refundant
Tela pro telis, Et acuta pilis*

Pila rerundant.

*Quis tamen sortem stabilem Gradiui
Credidit? pugnas, Et in arma pubem
Promoues? sternet malus expedita*

Agmina casus.

*Huic ego pronos voueo triumphos,
Huic ego fusos video Tyrannos,
Cui serenatus face, fonte, telis,*

Militat Æther.

*Ite pugnaces Aquile, Et tremendis
Ferrea telis properent caterue,
Ite Corytis, gladijs, sagittis*

Condite Solem:

*Hinc Pharetratus numerosiore
Miles intendat clypeo ruinam,
Vnico lectas acies Olympus*

Obruet ictu.

ALEXANDER

EX DVCE LITHVANIÆ,
in REGEM POLONIÆ lectus,
initia imperij iniquiora passus,
fortunatissimo exitu coronauit,
FORTISSIMVS PRINCEPS,

quem
primipila calamitas cū deicere laboraret,
quia inuictum vidit,
extulit.

Omen victoriarum fuit,
cum aduersitate luctari, & vincere.
Maximum telum Fortunæ sensit,

cū
Fratrem FREDERICVM
& Matrem ELISABETHAM extulit,
Motus inter Sacrum,
& Equestrem Senatum, ita composuit,
Vt pristinæ authoritati, quā fruebatur, relinqueret,
& pacaret.

Munificentiam eius Annales deprædicant
& aliorum. Regum liberalitati præponunt.

Quadriennium erat,
quo ad Imperij gubernacula sedit,
& periculum omnis ætatis fecit.
Illibatus viribus, multorum iacturam sensit,
Ægritudine Corporis tactus,
Fortunam auersam recepit.
Scythas ita, per Legatos fudit,

Vt
nuncium cladis, non reperirent in Patriam:
Ita Scythici nomen meruit,
Vt illud ad urnam deferret.

Vel hinc felicissimus,
quod
cū vitam clauderet,
certior de victoriâ factus,
non hîc breuem triumphum egisset;
Sed cū victoriâ
e terris ad Cœlestem palmam properasset.

E

ALE-

ALEXANDER

Morti proximus de Victoria ex
Scythis certior redditur.

Hostis hyberna populator ore
Concanus Lechis famulatur armis,
Ferte pugnaces alio sagittas

Littala pubes.

O Polo, PRINCEPS, Superisque care,
Quem rapit cursus melioris aui
Dum fauens pandit tibi Cœlicas Vi-
etoria portas.

Palma qua nostris viret in triumphis,
Sæpius ventis laceratur: Axe
Quæ viret (quod tu properas) ruinam,
Fataque nescit.

Hic ubi prædo volitavit hostis,
Matribus luctum, puerisque questus
Exprimens, fortes ubi fraudulentus
Vertit acervos.

Pace frondescent tua regna, pacem
Nobili plausu geminant, procellis
Abstinent campi, rediuvina tollunt
Oppida frontem.

Id tuus certè meruit triumphus,
Quem (pharetratas Scythie cateruas
Dum Lechus præ se glomerat,) mereris
Hospes Olympi.

Urbium Lune rapiuntur amne
Ocyus; claudi tua sed trophæa
Nescient ripis, sterili datura
Nomina Ponto.

SIGIS

SIGISMVNDVS

PRIMVS.

Triumphis Magnum, Prudentiâ, Vlyſſem ſuperauit;
Diuurnitate Imperij AVO proximus,
Victorijs ad Herculem, ætate ad Neſtorem acceſſit,
SCYTHICVS, VALACHICVS, MOSCHOVITICVS,
PRVSSICVS.

Quidquid Fortuna Fratribus vel negauerat,
vel ſubtraxerat,

Eius Gloriæ reſeruauit.

Primus Regum Poloniæ

Mazouiæ Ducis radium

ſuæ Coronæ addidit;

Captiuos in Scythicâ acie, ſuis auſpicijs
in hoſtem armauit,

& ad victoriam vinculis abſoluit.

Ex Moſchouiâ incruentam retulit palmam,
trecentorum ſuorum armis quadraginta duo millia cecidit.

Sanguine, Patriæ ſplendorem illuſtrauit.

Primus irreligioſum Pruſſiæ Magiſtrum

Quem alij Reges armis exuerant,
habitu mentito ſpoliauit.

Ducalem tamen ei pileum, Feudi titulo, dedit,
ne religione ampliùs odium tegetet.

Iniurias in Valachos prouocatus refudit,

Optimam belli aleam ratus ex iuſtiſſimâ naſci cauſâ.

Filium AVGVSTVM, Collegam,

Infantem ferè, in Imperium vocauit.

Vi tot Nationum Victor

REGEM regetet.

Felix CONIVGE,

Quam BONAM accepiſſet;

Felicior FILIO,

Quem SIGISMVNDVM reliquiſſet;

Feliciffimus FILIA,

In quâ JAGELLONES conſeruâſſet.

SIGISMVNDVS PRIMVS

Prussiam Feudi nomine Poloniæ
Prouinciam facit.

*Inclytum Solis iubar, æuiternos
Suggerit nostræ radios coronæ,
Dum SIGISMVNDO peperit recentem
Prussia Palmam.*

*Præter affines vitijs dolos, &
Desidis lucri pretium; omne casto
Exigit regno scelus, & potenti
Fulmine sternit.*

*Est parum mores reuocare lapsos,
Et Patrum sensus, veteresque ritus,
Est parum puro similes Olympo
Scribere leges.*

*Addit Augustæ radios coronæ
Prussiae magnum decus, inclytoque
Viuidus lucro, meliore terras
Lumine vestit.*

*Prussus at lassas acies relaxet
Pacis æternæ studijs, & actam
Martis lustris recreet petitâ
Pace iuuentam.*

*Saucium bellis latus, inquieta
Dum studet pugna, releuet suauis
Fœderis nexu, vacuasque ponat
Vertice cristas.*

*Legibus concors animisque, si fors
Arma poscamus, sociale iungat
Brachium, Martis comes, & triumphus
Proximus adsit.*

SIGIS-

SIGISMUNDVS AVGVSTVS.

Par Tanto Nomini,
Quem decennem, Sexagenario Maior PARENS,
parem sibi credidit,
cū Maiestatem partitus COLLEGAM nominauit.
à Natali die Nomen sortitus,
cū suo Nomine Mensēs, & Anni
sine iniuriā signandī essent.
Orbis miraculum,
cū ex euentu non solum factorum,
sed & verborum, se Regem probauit.
Vnioni duarum Nationum, cuius fundamenta PROAVVS iecerat,
AVVS cum PATRIS & PARENTE vix promouerant,
desideratissimum apicem imposuit.
Id erat primum, quod in limine throni expetentibus promiserat.
Alterum
Omnibus difficile, multis incredibile, Soli AVGVSTO facile,
Legum executio fuit.
Fecit hanc citius quā dixerat,
felicius, quā omnes sperauerant.
Regni viscera cū pace composuisset,
Fines armis illustrauit.
Omnibus in Moschos praelijs Victor,
MOSCHOVITICI titulum tulisset,
nisi NEPOTVM Gloriæ reseruasset.
Liuones, & Suecos armis attriuit.
Fidem publicam à Gottardo Ketlero accepit:
PATRE hāc in re non inferior,
Quod Ille Prussiam, Ipse Curlandiam,
Principe imposito, Poloniæ Prouincias ordinasset.
Quietis tandem publicæ Tutor,
cū PATREM Imperij diuturnitate æquasset,
Non prius oculos in mortem,
quā gladium in vaginam, condidit.
Pacem ita firmam cum Moscho icit,
Vt
annuum Interregnum
sine belli metu ciues exegerint.

SIGISMUNDVS AVGVSTVS

Moschorum Domitor.

Pone mordaces Sobolis futura
Magne Rex curas, Patriæ Curules
Qui regant, surgent, JAGELONIS auro
Linea curret.

Magna te poscunt Patriæ pericla,
Magna telorum seges, & Gradiui.
Barbaras ferro facili quid heres
Fundere turmas?

Agminum spectata sonitum, & canoros
Hostium pronâ lituos bibe aure:
Non vides quantâ ferus ecce spumat
Moschus ab irâ?

Sed tuis cedit iaculis, tuâq;
Dexterâ: non, si repetat truentos
Perfidus campos, meliore flectet
Arma calore.

Barbarus sanguis generosiores
Impetus nescit, pecudumq; ritu
Spiritus segnem bibit, atq; crasso
Tramite serpit.

Rusticos nervos Lechici Monarchæ
Nobilis soluet calor, aridisq;
Hauriet succum capulis, & armis
Obruet arma.

Nec satis Moschi domuisse robur;
Cerne quàm dines tibi Pompa laudum
Nascitur, qui sis, Gothus experiri
Tentat in armis.

SIGIS

SIGISMVNDVS TERTIVS

P A R E N T E M,
quem (vt amoribus Ciuium subtraheret) Æmulus Frater
tenebris damnauit,

Natus ad Liberæ Gentis Sceptra,
Luci, ac Regno dedit.

Vt non frustra Controuersiam moueres,
An Filij Parentibus par reddere non possint?

VI

JAGELLONIVM agnosceres,
Hæreditariam in Matre pietatem amplexus,
PATRI in fide restitit.

Imperare dignus, qui cano in pueritiâ sensu
Imperij terminos non ignorauit.

Ad Regnum POLONIÆ

Partium studio inuitatus, totum Æmulo excluso occupauit,
AVGVSTAM tamen AVSTRIAM & throni
& tori consortem fecit.

Malè foederatas Ciuium acies, quas paucorum error,
Multorum Fatum armauerat, paruâ manu compressit,

Clementiâ ne perirent prouidit,
Benignitate sibi suisque reddidit.

Sic Ciuium animos sibi quandoque inensos,
Semper vincebat, vt parceret;
ita parcebat, vt vinceret.

Hostem externum nullum habuit, quem timeret;
In nullum dextram tulit, à quo non timeretur.

Moschorum & Regiam, & Ducem cepit.
Grandi Europam metu liberauit,

Cùm

Effusas totius Asiæ vires Polono robore
Sine exterorum Principum subsidij repressit.

Turcicam Lunam ita ad luminis defectionem coëgit,
vt pudendos Osmanus vultus nunquam amplius
de tenebris extulerit.

De Scythis multæ victoriæ frequentia æstimationem perdiderunt.

Coactus & in sanguinem pugnare,

Degeneres Propinquos

non minùs fortitudine, quàm æquitate superauit.

Annos in regno sex & quadraginta bellis, victorijs, & triumphis
perpetuis exegit.

Consorte omnium (si principia exemeris) MAGNO VLADISLAO:

Quem

moriens, Hæreditarium Sueciæ Regem,

Moschouicæ Ducem,

& votis omnium Polono Diademati designatum, reliquit.

SIGISMVNDI TERTII

Gloria Superstes:

An SIGISMVNDVM tamulo repostum
Creditis *L*echi? solito gubernat
Sarmatas Sceptro, Patriamq; suetâ
*L*uce coronat.

Ille fatali Rhodopen tumultu
Impulit, frontis tumidum ut cacumen
Sterneret *L*echo, dominata multis
*I*mpia terris.

Ille dum parmam, facilemq; magno
Vertici infudit galeam, comantes
Eubrans cristas, radijs pauentem
Terruit *I*strum.

Terruit *L*unam studijs ferocem
Martis: à forti capuli nitore
*L*anguit Pontus, cecidit liquente
Cynthia cornu.

Quid canam Moschos toties cruentis
Prælijs fusos? reduces cohortes
Ille censebat, numerabat atra
Funera Moschus.

Quid canam fractos toties Gelonos?
Quid Dahas stratos, timidosq; Colchos?
Quid Scythen? dirumq; Tyrann? quid alt.
*L*ittora Xanthi?

Fulgurat Martis sonitu, sed omnem
Præripit palmam Pietas, suâq;
*L*uce conuestit, meritoq; cingit
Tempora serco.

VLADISLAVS IV.

Magna & Solius VLADISLAI laus,
ad Liberæ Gentis Fascēs sine Æmulo accessisse.

Regum nemo, aut Principum repertus,

Qui

in medio positum, & votis omnium patens Regnum,
peteret,

Cùm VLADISLAI decora,

& Polonorum studia, cogitaret.

Solus ut regnaret, Orbis totius calculum meruit,

quasi omnium Regnorum designaretur

IMPERATOR.

Tot Reges, atque Principes Æmulos vicit,

Quot erant quibus spem, & Ambitum præclussit.

Per Amicorum igitur, imò & Hostium vota
ad Solium evasit:

Illorum amicitia, istorum metu suffragante;

Quibus

tot bellis inuictam fortitudinem ostendisse,

& maximis Terrarum Regibus terrorem iniecis-
se,

maximum ad capeffenda regna momentum erat.

Pacatum quod erat toto Interregno sceptrum,

vbi in manus venit, in gladium exijt.

Facilis Victori Moschus,

& ex usitata sub Ducibus servitute,

ad conspectum ELECTI Ducis pauidus,

ut facile antea caput submisit, ita nunc manus dedit.

Facilem quoque Victorem reperit,

ita sanguinis alieni parcum, ut etiam lacrymas sisteret,

ita in corpora clementem, ut umbris quoque parceret.

Nec sine omine

cum Moscho Hæreditarij Polonorum Hostes Turcæ

vix inauguratum Regem bello laceffuerunt,

ut Spiritu Suo illum digniorem, cùm cæderentur, ostenderent:

ut suos annos illius ætati adijcerent.

Quanquam

Talem eis victorem Fortuna obtulit,

qui dare, quam accipere salutem paratior,

Hostiū ruīnā non suæ voluntati, sed illorū infelicitati adscriberet.

Arma deinde Sueco ostentavit, & Pacem persuasit;

Perditam Prussiam in fidem recepit.

Rebus domi compositis, extra pacatis,

CÆCILIAM RENATAM AVSTRIACAM,

Imperatorum Filiam, Sororem, Neptem,

ad Regnum, & torum assumpsit,

Quam ex suo Orbis voto

REGVM MATREM salutet.

VLADISLAVS QVARTVS



Turcicus, Moscouiticus.

*Credulas, spero, dabis canenti
Sarmata mentes, Lechica corone
Additur PRINCEPS nouus, Orbe maior,
Non minor Astris.*

*Bistonum densas domuit Phalanges,
Artacen forti gladio subegit,
Bosphorum vinclis, geminoq; strinxit
Strymona nexu.*


*Æmus ad tantos tremuit labores,
Hebrus infracto stupefactus ausu,
PRINCIPIS Palmas veneratus, eum in
Bella spondit.*

*Mollit Moschos acie, & Tiaram
Imperi signum meritis reliquit,
Ense non auro solitus proteruis
Dicere iura.*

*Nunc ubi Moschi posuere tela,
Tela Lithuanis inimica telis,
Marte suspenso dedit inquieto
Oria regno.*

*Condito clemens placidusq; telo,
Pace firmatas moderatur oras,
Aurea ut nobis redeant abacto
Secula ferro.*

*Regnet, & Patri Sobolem propinquam
Moribus gignat, Patriamq; clarâ
Prole facundans diuturna condât
Tempora Lechis.*



S

ior,

29

1.1.85

